

Panulis: Edward Hughes

Nang manggambar: M. Maillot; Lazarus
Alastair Paterson

Nang manyusun: M. Maillot; Sarah S.

Nang mangartikan: Lega Pitanatal Amiani;
Nadya Cristine Armelia br. Tumorang

Nang mamproduksi: Bible for Children
www.M1914.org

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.



Pardana Mantri Yusuf sudah maninggal. Saluruh Mesir umpat baduka cita lawan kasadihan kaluarganya.




Allah manggunaakan Yusuf
urang Yahudi hagan
manyalamatakan Negara
pas kalaparan. Inta
bijaksana banar lawan


pamimpin nang
dicintai. Wahini
inya sudah
kadada.



Talu ratus tahun balalu. Urang-urang Yusuf,
urang Yahudi, manjadi bangsa nang kuat di Mesir.



Firaun nang hanyar marasa takut urang-urang Yahudi pacangan malawan kakuasaannya, imbah ngintu inya manjadiakan buhannya sabarataan sabagai budak.



Firaun mamparlakuakan buhannya jahat banar. Inya mamaksa buhannya hagan maulah kuta-kuta ganal. Tapi biar kayaapapun baratnya inya manggawiakan buhannya, urang Yahudi bakambang pasat.




Pas ngintu ada parintah nang manakutkan banar dari Firaun. "Samunyaan bayi lakian Yahudi nang hanyar dibuang ka sungai Nil" Firaun nang jahat handak mangurangi jumlah urang Yahuni. Inya mambunuh bayi-bayi.



"Napa nang kawa kita ulah?" sauting kaluarga Rahat kabingungan. Buhannya mamutusakan hagan malapas anaknya ka sungai Nil. Tapi inya pacangan diandak dalam karanjang nang kada kawa banyu masuk.



Karanjang halus mangapung diantara rumput banyu mambawa panumpang nang barharga banar. Napa nang pacangan tajadi lawan bayi nang halus ngintu?



Matan kajauhan, kakak binian bayi ngintu maumpati karanjang nang mambawa adingnya taapung lawan hanyut diantara rumput banyu.



Pas anak binian Firaun lawan pambantunya tulak ka sungai hagan mandi. Karanjangnya kada mungkin tasambunyi. Kamungkinan buhannya pacangan jalan.



"Oh sabuting Karanjang. Ngintu diantara rumput-rumput. Aku handak tahu napa isinya." Anak binian Firaun manyuruh pambantunya hagan maambil karanjangnya. Pas inya mambuka - bayinya mulai manangis. "Saurang anak Yahudi," ujar putri mahkota.



“Mambari maras kanakan halus. Ikam langkar banar.”
Anak Firaun bapandir lawan bayi ngintu kaya bapandir
lawan urang ganal. Inya mungkin baucap:
“aduh lucu banar” -dalam Bahasa Mesir.



Tuhan mambarkati kakak binian bayi ngintu lawan kabijaksanaan nang khusus. Inya bukah ka Putri Firaun. "Handak kah aku mancariakan binian Yahudi hagan mamalihara bayi ngintu hagan ikam?" "Ayuja," ujarnya. Siapakah menurut ikam nang pacangan dikiau ulih anak binian ngintu?




"Uma! Kasini! Lakasi!" kamungkinan anak binian ngintu kada sampat hagan manjalasakan. Basamaan, buhannya badua balakas bukah ka jalan satapak.



Babulik ka sungai, anak Firaun mangilik bayinya.
Rawatakan bayi ngini haganku. Kaina ku bayar.
Ngaranakan inya Musa. Musa dalam Bahasa Mesir
bararti anak banyu.



Kayaitulah Musa babulik ka rumah kuitannya. Buhannya mangajarakan inya kayaapa mancintai Allah lawan sasama Yahudi. Kada lawas lagi inya pacangan hidup di istana lawan anak binian Firaun. Allah, nang manyalamatkan jiwanya, baisi rancana ganal hagan bayi Musa di masa kaina.



Pangiran matan sungai

Sabuting kisah matan Firman Tuhan,
Alkitab

Taulih dalam

Keluaran 2

"Amun tabuka, firman-firmanPian mambari
pamahaman." Mazmur 119:130



Tunting



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

